

Headlines

- 1 सुरक्षाबलें अज्ज बारामुला जिले च दऊं आतंकवादिणं गी मारियै नियंत्रण रेखा थमां घुसपैठ दी इक कोशश गी नाकाम बनाया ऐ।
- 2 सेना ते जम्मू कश्मीर पुलस दे बड्डे अधिकारिणं दी इक सांझी बैठक च पुंछ जिले दी सुरक्षा स्थिति दा जायजा लैता गेआ।
- 3 मुख् चुनां कमीशनर राजीव कुमार होरें मतदाताणं दी शमूलियत बधाने आस्तै म्यूनिसिपल कमीशनरें गी जिला चुनां अफसरें गी बूथ प्रति कारवाई योजना बनाने दे निर्देश दित्ते न।
- 4 श्री माता वैष्णो देवी अस्थापन बोर्ड पाससेआ जम्मू हवाई अड्डे थमां कटरा दी त्रिकुटा पहाड़िणं च पवित्र गुफा कश पंछी हैलीपैड तोड़ी हैलाकाप्टर दी सिद्दी सेवा शुरू करने दा बचार ऐ।

<><><><><><>

Infiltration

सुरक्षाबलें बारामुला जिले च 2 आतंकवादिणं गी मारियै नियंत्रण रेखा थमां घुसपैठ दी इक कोशश गी नाकाम बनाया ऐ। सरकारी सूत्रें मूजब सेना दे चौकस जुआनें जिले दे उड़ी इलाके च सबूरा नाला रुस्तम थाहरै किश नकलो हरकत दिक्खी ते घुसपैठिणं गी ललकारेआ। पर घुसपैठिणं गोली चलाई दित्ती जेहदा सुरक्षा कर्मिणं आस्सेआ परता दित्ता गेआ। होर ब्योरे गी बलगेआ जा'रदा ऐ।

<><><><><><>

GoC Meet

सेना ते जम्मू कश्मीर पुलस दे वरिष्ठ अफसरें पुंछ जिले च इक सांझी बैठक लाइयै सुरक्षा हालात दा जायजा लैता। वाईट नाईट कोर दे जीओसी लैफ्टिनेंट जनरल नवीन सचदेवा ते पुलस महानिदेशक आर.आर.स्वैन होरें सुरक्षा जायजा बैठक दी सह-अध्यक्षता कीती। इस दरान खित्ते च शांति ते सुरक्षा बनाई रखने, कारवाइणं गी रमानदारी कन्नै अंजाम देने बारे तफसीली बचार बमर्श होआ। एह बैठक मजूदा स्थिति ते औंदे चुनाणं गी दिक्खदे होई लाई गई।

<><><><><><>

RBI-UPI

भारतीय रिजर्व बैंक तौले गै यूपीआई राणं नगद राशि जमा कराने दी सुविधा लेइयै आवा'रदा ऐ। फिलहाल यूपीआई दा इस्तेमाल पैहा कड्डने ते पैहे दे लैन-देन लेई कीता जा'रदा ऐ। आरबीआई दे गवर्नर शक्तिकांत दास होरें आक्खेआ जे इस सुविधा कन्नै उपभोक्ताणं गी नगदी जमा कराने च सौख होग जेहदे कन्नै बैंकें दी नकदी लैन देन प्रक्रिया होर सक्षम होग। आरबीआई नै प्रीपेड भुगतान माध्यम पीपीआई वॉलेट राणं यूपीआई भुगतान आस्तै थर्ड पार्टी यूपीआई ऐप दे इस्तेमाल दा प्रस्ताव कीता ऐ। एहदे कन्नै उपभोक्ताणं गी सुविधा होग ते लौहके लैन देन आस्तै डिजिटल भुगतान गी बढ़ावा थहोग।

<><><><><><>

RBI-Repo

भारती रिजर्व बैंक नै लगातार 7मीं रेपो-दर च कोइ तब्दीली नेइ कीती ऐ। बैंक दे गवर्नर शक्तिकांत दास होरें अज्ज बडलै अद्ध-मासिक आर्थिक नीति दी घोशणा करदे होई दस्सेआ जे रेपो-रेट साढ़े 6 फीसद गै रौहग। उनें आक्खेआ जे 2 ज्हार 24-25 ब'रे दरान सकल घरेलू उत्पाद दी विकास दर 7 फीसद मिथ्थी गेदी ऐ। पैहली तिमाही च एह दर 7 फीसद दूई तिमाही च 7.1 फीसद, त्रीय तिमाही च 7 फीसद ते चौथी तिमाही च बी 7 फीसद गै रौहग।

<><><><><><>

LG-SMVD

उपराज्यपाल मनोज सिन्हा होरें अज्ज माता वैष्णो देवी जी दी पवित्र गुफा च दर्शन कीतें उपराज्यपाल हुंदे दफतरै पास्सेआ सोशल मीडिया मंच एक्स पर इक सनेह च दस्सेआ गेआ ऐ जे उपराज्यपाल होरें सब्बनें दी खुशहाली ते केन्द्र शासत प्रदेश च शांति ते प्रगति दी कामना कीती।

<><><><><><>

CBDT

प्रतक्ख करें सरबंधी केन्द्रीय बोर्ड नै कर दाताएं गी 2024-25 ब'रे आस्तै पैहलील अप्रैल 2024 थमां इंकम टैक्स दी रिटर्न दाखल करने दी सुविधा प्रदान कीती ऐ। इस म्हीने दी पैहली तरीक थमां ई-मिल्म पोर्टल पर रिटर्न दाखल करने आले फार्म उपलब्ध करोआए गेदे न। कंपनियां बी अपनी ऑदन टैक्स दी रिटर्न दाखल करी सकदियां न। बोर्ड नै दस्सेआ ऐ जे इसलै तोड़ी 2024-25 ब'रे आस्तै तकरीबन 23 जहार रिटर्नां दाखल होइ चुकी दियां न। पिछले किश समें च एह पैहली बारी ऐ जे ऑदन टैक्स मैहकमे नै नमें ब'रे दे पैहले ध्याड़े गै कर दाताएं गी रिटर्न दाखल करने दी सहूलत उपलब्ध करोआई ऐ। ऑदन टैक्स अदायगी दी सेवा गी सखल्ला बनाने बक्खी एह इक होर बड्डी गैह ऐ।

<><><><><><>

ECI Meeting

मुख्य चुनां आयुक्त राजीव कुमार होरें मतदान फीसद गी बधाने आस्तै चुने दे जिले दे म्युनिसिपल कमीशनरें ते जिला चुनां अफसरें गी मतदान केन्द्रें स्हाबै कार्य योजना तैआर करने दा निर्देश दित्ता ऐ। उनें शैहरी ते ग्रामीण क्षेत्रें आस्तै बक्ख-बक्ख कार्य नीतियां बनाने लेई आक्खेआ। मुख्य चुनां आयुक्त होरें नमीं दिल्ली च उनें चुने दे राज्यें दे म्युनिसिपल आयुक्तें ते जिला चुनां अधिकारिएं कन्ने बैठक कीती जित्थें पिछले चुनाएं च मतदाताएं दी शमूलियत घट्ट ही। बैठक दा मकसद 2024 दे लोकसभा चुनाएं च मतदान फीसद बधाना ऐ। कुमार होरें अधिकारिएं गी इस चाल्ली कम्म करने दे निर्देश दित्ते जेहदे राएं मतदान लोकतंत्र दे महापर्व च हिस्सेदारी करियै मान मसूस करै। उनें नेह जतनें दी अपील कीती जेहदे कन्ने लोक मतदान आस्तै आपूं प्रेरित होन। उनें आक्खेआ जे पिछले चुनां घट्ट मतदान आले 215 ग्रामीण ते 51 शैहरी संसदीय क्षेत्रें दी पंछान कीती गेई ऐ, जित्थें मतदाताएं दी हिस्सेदारी बधाने दे जतन कीते जांगन। एहदे आस्तै उनें त्रै-मुखी रणनीति अपनाने पर जोर दित्ता, जेहदे च मतदान केन्द्रें पर सुविधा बधाना। लक्षित ढंगै कन्ने मतदाताएं तगर पुज्जना ते लोकें गी प्रोत्साहित करने आस्तै महत्वपूर्ण पक्खें गी शामिल करना।

<><><><><><>

SMVSB-Helicopter

श्री माता वैष्णो देवी अस्थापन बोर्ड जम्मू हवाई अड्डे थमां त्रिकुटा पहाड़िएं च पवित्र गुफा दे कोल पंछी हैलीपेड तोड़ी हैलिकाप्टर दी सिद्दी सेवा पर बचार करै करदा ऐ। एह गैह यात्रा लेई बेहतर सहूलतां उपलब्ध करोआने दे जतनें तैहत् पुट्टी जा'रदी ऐ। हालांके एहदे आस्तै किराया तैह नेई कीता गेआ ऐ पर मेद ऐ जे एहदा औने जाने दा किराया 35 जहार कोला घट्ट गै होग। एहदे च अटका दर्शन, भवन कश ठैहरने दी बवस्था, खाना, रोप-वे ते बैटरी कार दियां सुविधां बी शामिल होंगन। सब्बै इंतजाम लगभग पूरे होई गेदे न ते बोर्ड आस्सेआ एह सेवा 9 अप्रैल गी पैहले नराते थमां शुरू करी दित्ते जाने दी मेद ऐ। इस सेवा गी लेइयै यात्रु च बड़ी मती उत्युक्ता बनी दी ऐ की जे एहदे कन्ने हैलिकाप्टर राएं यात्रा करने आले श्रद्दालुएं दी गिनतरी च बढोतरी होग। इसलै रोजे परती तकरीबन 12 सौ श्रद्दालु 13 किलोमीटर पहाड़ी रस्तेआ जाने दे बजाए हैलीकाप्टर दे सेवा लेंदे न।

<><><><><><>

Security 2nd Phase

लोकसभा चुनाएं दे दुए गेड़ आस्तै जम्मू कश्मीर गी छोड़ियै सब्बनें थाहरें नामांकन पत्रें दी जांच दा अज्ज खीरी ध्याड़ा हा। जम्मू कश्मीर च नामांकन पत्रें दी जांच कल कीती जाग। इस गेड़ आस्तै नामजदगी दे परचे दाखल करने दा कल खीरी ध्याड़ा हा। इस गेड़ तैहत् 12एं राज्यें ते केन्द्र शासत प्रदेशें ते बाहरले मणिपुर सनें कुल 88 लोकसभा हल्कें च इस म्हीने दी 26

तरीकै गी वोट पाए जांगन। 8 अप्रैल तोड़ी नामांकन वापस परताई जाई सकदे न। तोआई मुलखै दे बक्ख-बक्ख हिस्से च लोकसभा चुनाएं आस्तै प्रचार आगियान तेज हुंदा जा'रदा ऐ।

<><><><><><>

Reasi-Training

रियासी दे जिला चुनां दफतर पास्सेआ अज्जै थमां विधानसभा दे बक्ख-बक्ख हल्के दे स्हाबै चुनां अमले दी सिखलाई दा खीरी गेड़ शुरू कीता गेआ। एह्दे तैहत मैहकमा माल, पुलस ते होरने मैहकमे दे कर्मिएं गी सिखलाई दित्ती जा'रदी ऐ। रियासी जिले च कुल 425 मतदान केन्द्र बनाए गेदे न, जिंदे चा गुलाबगढ़ हल्के च 161, रियासी हल्के च 173 ते श्री माता वैष्णो देवी हल्के च 91 मतदान केन्द्र बनाए गेदे न। रियासी जिले च कुल 2 लक्ख 34 ज्हार 706 मतदाता न, जिंदे च इक लक्ख 23 ज्हार 109 मर्द ते 99 ज्हार 403 महिला मतदाता न। साढ़े जिला संवाददाता देवेन्द्र ठाकुर हुंदे मूजब वरिष्ठ अधिकारी नै दस्सेआ ऐ जे किश महिला अफसरें गी बी सिखलाई दित्ती जा'रदी ऐ की जे रियासी जिले च किश थाहरें पूरी चाल्ली महिलाएं पर आधारित मतदान केन्द्र बनाने दी योजना ऐ।

<><><><><><>

Cyclethon Vote(byte)

औंदे लोकसभा चुनाएं गी दिक्खदे होई लोकें गी वोट पाने दे अधिकार बारे जागरूक करने आसतै उधमपुर जिला इंतजामिया पास्सेआ इक साइकल द्रोड़ दा सरिस्ता कीता गेआ। जिले दे अडिशनल डिप्टी कमीशनर होरें डीसी कार्यालय थमां इस द्रौड़ गी झंडी दस्सियै रवाना कीता। बड़ी मती गिनतरी च साइकल सुआरें एह्दे च हिस्सा लैता। इस मौके पर बोलदे होई अडिशनल डिप्टी कमीशनर होरें दस्सेआ.....बाईट

<><><><><><>

Congress Manifesto

कांग्रेस नै लोकसभा चुनां आस्तै घोषणा पत्र जारी करी दित्ता ऐ। इस घोषणा पत्र च हर रोज 4 सौ रपे दी घट्टोघट्ट मजूदगी दी गरंटी। हर गरीब परोआर गी हर ब'रे इक लक्ख रपेआ, केन्द्र सरकार दी नौकरिएं च महिलाएं आस्तै 50 फीसद सीटें दा आरक्षण, घट्टोघट्ट समर्थन मूल्ल दी कनूनी गरंटी ते राष्ट्रीय सतह पर जाति आधारित जनगणना दे वायदे शामिल न। इस मौके पर बोलदे होई कांग्रेस अध्यक्ष मल्लिकार्जुन खड़गे होरें आक्खेआ जे उंदी पार्टी दा घोषणा पत्र पंच न्याय यानि न्यां दे 5 थम्मं पर आधारित ऐ। एह् थम्म न युवा, महिला, करसान, मजदूर ते अबादी दे प्रतिशत स्हाबै मौके च न्यां, मीडिया दे सुआलें दा परता दिंदे होई राहुल गांधी होरें आक्खेआ जे लोकसभा चुनाएं च कांटे दा मकाबला होग ते विपद्दा इस चुनां गी जित्तोग।

<><><><><><>